



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四八五

靈芬館詩初集四卷靈芬館詩二集十卷靈芬館詩三集四卷靈芬館

詩四集十二卷靈芬館詩續集九卷靈芬館雜著二卷靈芬館雜著

續編四卷靈芬館雜著三編八卷 郭 廖 撰

靈芬館集外詩二卷 郭 廖 撰

靈芬館詞七卷（蘅夢詞二卷浮眉樓詞二卷懺餘綺語二卷

懺餘詞一卷） 郭 廖 撰

五九三

六三三

靈芬館詩集

靈芬館詩集序

倅初自以意爲五七字其後則與二三友人共爲之無所深得而於人之工與否則少自謂能知之其非也知而得其所以爲人雖知之猶勿能盡也倅交郭子祥伯既得其爲人心相知亦莫若祥伯故獨自謂能知祥伯之詩雖然祥伯詩行海內四方能文之士交口稱之無少間則又何有於倅之知之而言之耶然而倅獨以此爲言者竊自幸龍知祥伯之詩實有以自驗其詩之得失而因祥伯之詩以進退古作者之性情於是一變其前所爲詩又烏得不以能如其詩竊竊然爲可幸也倅嘗因海昌查子伯葵以交祥伯伯葵論詩於儕輩中獨推祥伯而祥伯之詩不盡與伯葵合顧伯葵所以亟稱之者正以其不盡與合也倅詩遠不若二君然

靈芬館詩集序

二君又都不合二君則又許其都不與合也祥伯之言曰詩之風格不同而詩人之性情亦各因其所近世之言詩者執風格以求古人惟恐一體之不肖一字之不工夫人心不同如其面焉服堯之服非卽堯也繪孔之貌非卽孔也卽工且肖矣而學唐者爲唐人之詩學宋者爲宋人之詩於吾之性情何與焉倅坐而聆其語仰而觀其爲人循環再三諷詠其所作然後恍然於漢魏六朝唐宋之詩其傳者無不各具一性情而其所以傳者則皆同歸於風雅是故歷千百之久而如與之晤語如聞其歌哭悲愉哀樂之故嘉美規頌諷刺之事皆有以入人之心而無所於間非偶然而已也蓋其性情之所在視時地爲變遷不以今古爲升降判心術爲邪正不以字句爲工拙也韓子曰惟古於辭必已出降而不能乃剽

賊矣辭猶必已出而况性情乃可不自已出乎詩視其人人視其性情性情不能無所偏而惟不失於正者乃傳無漢魏六朝唐宋一也今祥伯爲人疎淡放曠其志恢廓遠大而不屑不潔蓋翦而幾於狂者宜其詩之稱心爲言而無所不能豈不以其性情獨絕常等故耶不然則亦學唐而似唐學宋而似宋無異琴瑟之專一又何以能騰蹕變化甄綜古今而獨成爲祥伯之詩哉祥伯靈芬館詩二集先刻於嘉慶甲子伯葵旣爲之序今孫君古雲又刻其初集三集以行會祥伯將遊豫章過錢唐屬爲一言傳旣不敢自謝不足知而所以能知其詩之故與知其詩而遂以知古作者之詩勿敢忘也爲序之如此若其詩之所以工則四方能文之士固已先傳知之也嘉慶丁卯秋七月錢唐愚弟屠倬

靈芬館詩集序

二

靈芬館詩初集序

乙丑之歲查君伯葵入都適館邸舍以祥伯靈芬館二集詩見示受而讀之悅若接其人而與之語言其性情意氣無一不顯顯在目伯葵又時時爲言其人與其性情意氣無一不與余意中合者恨未之見也丙寅冬以病放廢歸省先塋與高君爽泉同出都門爽泉亦時時言其爲人一日爽泉偕數客至西湖祥伯與來一揖之外不暇他語邀同舟出斷橋劇飲酒壚旁酣嬉淋漓極醉而罷落然莫能測之今年同寓西湖之葛林園共晨夕者累月余旣傾心納交祥伯亦肯爲余盡酒闌鐙地往往至五鼓不寐于是乃始得祥伯之爲人蓋深于性情間發露于意氣其中之所存者甚厚其世之指目爲狂爲怪爲放誕不羈者夫亦有不自得而

靈芬館詩初集序

伯旣早以詩名聞于時而其二集編自丙辰以傳著者凡十一卷二千餘首刪爲四卷僅五百首猶以傳足存余爲懲惡刻之曰此十年以前之性情意氣不可得而磨滅者余雖不知詩而妄謂知祥伯之人則妄謂足以知祥伯之詩祥伯之詩與其性情意氣俱來雖自少至壯其境屢遷其體屢變而其人之顯顯在目者猶是古之作者亦如是已矣惜乎伯葵在遠不獲與論此也爽泉甚韙斯言乃書以引其端三集亦已成三卷遂并付梓人俟知詩者更論次之嘉慶丁卯二月十日古雲弟孫均序

靈芬館詩初集

吳江 郭慶 祥伯

卷一

欲訴 癸卯

欲訴幽離不自由東風如夢月如愁桃花深處元名陽燕子
飛來尚有樓半脫輕彈金約指斜攏寶髻玉搔頭西施只在
東牆住直得三年一笑畱

錢笑輕彈隔絳綃幾重簾柳卷銀須南園春雨生紅豆西曲
秋蟻號綠珠笛裏新聲怨楊柳夢中芳草識芝芙仙山樓閣
猶難畫何況眞靈位葉圖

小艇蜻蛉繫隔谿鱗鱗春水拍長堤不堪鳥鵲橋邊月八值
杜鵑枝上啼天外星光如替月廊邊屢響未霑泥 得

靈芬館詩初集卷一

胡麻熟纔說歸來路已迷

不愁情少恨才多短夢眞成長恨歌前夜月明今夜下閉山
有鳥北山羅六萌車走如雷響三里花深奈霧何金帶玉鐙
消息斷還憑詞賦託微波

寒食 甲辰

永巷簫聲濕不妨依然粥白與飭香澹煙微雨春寒食細柳
啼雅人斷腸乞火忽驚鐙照影卷簾猶記月如霜分明是事
難忘卻一架秋千一丈蒿

水仙謠

江月娟娟墜秋水美人如煙白雲裏乘雲欲下弄江月瘦蛟
人立老漁起魚鱗屋兮江之幽蓀櫟蘭壁紛相繚波寒夜冷
不成寐夫容淚滴秋江愁秋江清深木葉脫美人不來見明

月

題徐江菴畫

春山含朝煙澹澹如欲雨溪水流縱橫涓涓遶春樹吾欲入
藤蘿冥冥若無路樹裏有人家且過石橋去

水閣和江菴韻

軒窗傍水開乘興時一往月寒波不起跳魚上波響

附原作

虛閣下瞰水閣底舟來往柳深不見人答答水面響

贈汪竹香 元諒

吾邨汪夫子材難挽萬牛無人問來世此事必千秋科斗拳
身古華嚴彈指浮不須頻攬鏡易白著書頭

寄袁實堂先生 黎芳二首 乙巳

靈芬館詩初集卷一

二

讀書不患少患多作書簾作文患不古貌古患規逐學必咀
其英論必據所蓄若河濟江淮各各成一瀆先生肆而醇老
筆破天枯弩挽六石強鼎扛百斛獨庶幾摩天揚一笑衆刻
鵠

腫背元非馬獨角元非牛山子一失足輾轉爭昂頭所以遭
謗者君子思所由人情喜同己見異如讎仇大雅既不作舉
世隨沈浮苟能少樹立衆謗紛不休吾邨二三子志願不悠
悠學海誠可希斷港亦足憂願終洪其源淙淙俾東流

記夢

靈香不散雲縹緲鵲尾側度煙非煙中有一人飄者仙羅坐
衆妙何其娟輕容之衣曳地起霞卷雲舒香不已瑤戶了鳥
開不扃松花亂落疎窗櫺十二絃橫石几上似琴不琴其約

亮側坐一殊舞髻髮朗若秋水長眉彎慘慘髮髻雙玉環其
聲非絃亦非指銀漢墮地清如水大驚不動少驚舞幺鳳唱
唱作私語須臾一聲寂衆嘈明月自明天自高消音妙曲不
可過世間哀樂何其多塵心未淨可奈何

延令竹枝詞

三叉鎮上車斑斑相見灣頭月彎彎儂心不似三叉鎮郎面
難如相見灣

露月光風自往還池邊筆架也屏顏怪郎只愛儂眉樣不要

馬狀一朵山露月光風亭名孤山在馬狀沙舊錄素與今割入靖江

東湖水擬鴉湖流鴨子春來亦可游勸郎休到盧家蕩多恐
他家有莫愁

色籬六抵結來勻岸口桃花已作春一尺髻鬟親立地不知

靈芬館詩初集卷一

三

可有乞漿人

續命絲長繡綫紅於菟小縛綴釵蟲笑郎枉向孤山拜伏虎

禪師便是儂伏虎祠在孤山

來來去去瓜洲潮去去來來江上橈儂意最憐離別苦分莊
不住住雙橋

樓外

樓外秋風馬上塵去原無奈住無因青山照眼驕行客新月

如眉送舊人衣袂空餘前日淚夢魂終是暫時身枇杷窗戶

歲華鎖背手闌干繞一巡

曉發

柔艣蒼茫外高城杳靄間霞明浦口樹人語夢中山喚起翻

思坐催歸未卻還扁舟載黃葉蕭瑟下江關

聞蛩

積月澹空林蕭蕭落葉深入同孤鶴夢秋到候蟲心天地存
微物風霜歷苦吟蟬聲深井上亦似有哀音

凌晨

統如鼓未歇隱几夢初殘不寐跋猛燭凌晨生嫩寒角聲孤
月動霜氣萬星乾渾忘天涯客添衣尚倚闌

慶雲寺

步出城西門憩此招提境落日收殘霞霜林閃餘景北風天
地寒莫色神鬼靜曲房香以深花木秀而整銀鑲動金鏤擁
腫懸木瘦老僧綻破褐童子淪新茗坐久鳥頻闌露下鶴初
警約畧月弦上微覺衣袂冷明發當更來論詩汲寒井

哭倪斐君詩三首

靈芬館詩初集卷十

四

去歲我十八君年三十初忘形見肝膽白眼看諸餘薄醉時

堪想揮豪妙不如酒壚說遺事淩斷拭桐居君臺名

知己傷心處合并已可哀文園君正病嘉慶我纔回臥榻一

攜手鞠華期舉柩誰知風雪裏白馬巨卿來

髣髴韶顏在叢殘遺棄亡人琴竟已矣兒女幸成行兩載隔

存沒三人誰瘦強并呼徐孺子絮酒哭虛堂余因江表得交裴君才二年耳

古木虛堂傍太湖雲林句也

重陰一首

元雲積重陰不雨常發竊北風何蕭蕭天地作老氣顛頭乘
森凝義和苦蒙蔽展書愛風軒撫琴坐危砌彌覺衣裳單矧
此跡踪滯因憶辭家日朝飡猶未備老母臨階除淚出行復
制比聞山東西草根當機繡紅鮮來楓橋一升四十二糧則

今已無寧有衣在筍枯桑號風颺征鳥怯凜厲不知家中煙
能及下春未安得掃天帶長空枯氣噴飛出金老鷄光芒豁
窮裔裏六合中一色作春意杏杏令人傷冉冉及卒歲羈
泊游子心慘澹苦士志悲歌激長風憂來自雪涕

雜鳴

呢嚶雞鳴喚曉霜薄寒人起著衣裳無端記得年時事殘地
疏鐘又斷腸

早春卽事

偶然睡起拓窗紗觸撥愁人感歲華五夜寒依雲母帳一年
春到水仙花酒徒來少封泥藥債債多費盡又料峭不知
風又起小樓坐待月西斜

出關

靈芬館詩初集卷一

五

望望去鄉關離離慘別顏
筵面前夜雨春渡隔江山出水凌
波艤當風墮馬鬣分明尋不得猶自夢迴環

寄懷朱鐵門

春生袁湘湄 棠

撥余初度值新正纔晏椒盤又送行岸柳青於前度日酒栢
深似故人情頻年羈旅低顏色涉世文章畏友生應念天涯
寒范叔敝裘羸馬促郵程

延令雜詩

漫攜同伴強招邀兩見春光度柳條山店自誇京口酒河豚
新上大江湖五三六點雨前雨七十二間橋外橋苦憶金昌
亭外事萬花紅處作花朝
柔腸振撥自無端又敞疏簾對葯闌細雨未成時作暝東風
一信例微寒苔衣過客黏游屐菜把園官勸晚餐喜事兒童

翦鶴子不知料峭喚人看

依人王粲只登樓信美江山賦近遊盡日夢隨芳草遠一年
春到棟花休葯苗葯甲鏹深淺舍北舍南鷗拍浮昨得家書
說珍重暮寒猶著兩重裘

此生自斷好爲之吾信行藏只酒卮蠻觸不知誰勝負蝦蟇
無意問官私隔江畫舫迎桃葉沈水香繡憶柳枝卻笑樊川
能落拓茶煙影裏鬢成絲

記夢詩

并序

靈芬館詩初集卷一

六

矣人謂余曰湘灤讀書處也余方欲欲開忽風塵窗網而寤
因書二十八韻紀其事用呈湘灤并示鐵門時余月九日夜
也

旅人易長夜隱几夢婉婉海風吹天衣浩浩忘近遠憑虛者
誰子挾我上飛輦荒途入九迴樹色三四轉雲屋見微茫綠
垣出塞產云是秋水池上清所居院藤蘿十圍木石嵌方古
薛百斛滴澄虛萬象入幽顯片石聳層霄孤雲不舒卷冷益
毛髮寒深覺菱荷淺又云故人居不遠西偏館窗窗峙立龍竹
簾紋刻鳥篆靈境不久稽殘鐙仍在眼回念正月杪清夜集
同伴湘湄時在坐勸飲殘獨滿苦謂難重持見面時亦罕屈
指分袂來時序換寒暖誰知樂天龔容我夢中款因悔立衰
裏何不撼肩鍵開簾故人出長定一笑莞沈吟役輕魂轉展

得勝算薄田傍分湖野飯足螺蛸有陂魚可種有園蔬可翦
著書老屋中絕食意不報何必出人寰讀書願始展子真請
仙人慙我見事晚衣食傍路人俗緣那能免何當此願果作
詩再相東

題王進士洪序五峯草堂圖

殘山剩水馬一角暖翠浮嵐黃一峯平生有夢未到處臥看
溼煙如此濃

天壤王郎見事遲一行作吏便牽絲峯頭五老逢人笑候爾
入山知幾時

燕巢

客居所居屋燕來巢其梁胥宇日三市得地梁中央泥塗翅
羽溼零落芹泥香初墨若半壁再疊如懸囊落震仰孟深

靈芬館詩初集卷一

七

深女承筐積累得所就下上何期翔福過禍已伏勢高傾必
傷憑藉一不當一聲如頽牆喝喝語刺促涎涎飛倉黃觀其
遷怒意疑若人無良主人見之悶謂燕胡不明我試言物理
破爾芥蕢胸羽族三百六大小各有行楚雀出自谷戴雉降
於桑鴻雁或水宿餘或入穴藏乾鵲善作室雄鳩偵其空倒
挂者杜宇寄子他巢中其餘諸瑣細未易更僕終木處畏風
雨露宿虞蠹量憂患不自安靈明乃以生獨汝百不畏鼓翼
東牆東朝出主人門莫上主人堂偷心乘懈力傾覆所以丁
從來天公意益謙而虧盈百鳥常勞苦爾何逸其躬何况天
下事依人不足強幹宇不自立雖堅豈可長疾顛故有道何
乃不自量駁聞主人語脩通膠固腸乃睥以應對主人言非
曉從今識得喪不敢復怨望呼我徒與侶脩葺門倉琅高秋

展毛羽遶廓還海邦

訓沈瘦客大成一首

少小慕交遊平生因謠詠紛紛眼中人面譽背而曝能詩沈
東陽平素手未握斐然辱贈詩情親語彌橫云佳句新根
抵見家學黃鐘大一鳴細辨失鐸錫又云不世才一時玉連
穀及舍弟稱美既過當令我汗顏渥憶昔始讀書頗不昧正
覺六經窺函閭百氏觀卓犖十年鯉庭趨一別荆山璞蹙蹙
走西東寧辨路肥瘠悠悠傍行路稍稍去圭角噴薄赤驥鳴
蹀躞黃鶴銀旅館三椽茅夜火一燈爆有時發狂吟氣若奪
馬稍幽窮難險怪往往半純駁子詩和以平輕葛洞庭樂未
見蔑之而神情我能貌三江五湖深淺水雁瀾洑如何崇上
善下及寸澤鈞文章雖小技要不廢磨礪秋花女節黃老酒

靈芬館詩初集卷一

八

雲人濁日歸拜嘉慶期在九月朔一笑合併時聯吟袂可提

王山長洪序

索題延令書院效江西體

五峯草堂江之西天風石梁老夢迷鍾山草堂山之麓胎仙
夜啼蕙帳綠兩處不住來延令三問五屋先生廳鉅竹幾个
桐一樹疏簾四挂無窗櫺麗眉書生亦來此馬狗衣鴉僕儻
恥自從雷雨四日夜三脚木牀隨漏徙泥牆兩面一面揭蝦
蟄聯立對我喜焦先蝸殼王尼牛我行四方將何求石田茅
屋豈遂少亦有梧竹聲脩脩讀書但得有飯喫吹雨注面我
不羞此語有味先生畱草堂昨夜援嗽嗽

被酒後作

昌谷飲酒厭俗物填瘵不受養心骨東坡飲酒不至亂顏然
一榻利不戰我非二子將如何眼中見酒不見佗惡酒上面

面亦紅好酒到口栢便空主人開尊能酌我脫帽露頂無不可酒酣耳熱身投牀輒鐘瓦銚聽煮湯須臾起坐聲影寂一簾殘立屋東壁推窗月落星闌千童子色戰我未寒回頭顧語汝睡去猶是深更未天曙明朝見客爲致辭我公醉矣幸恕之

檢舊所作詞有感寄湘漢

明河無影月蒼涼辛苦支機片石旁海底香桃如骨瘦歸來錦瑟比人長閒鈔懊惱尊前集空繫回環別後腸亦有人間元才子春風一夢曉茫茫

湘漢有夢游仙詩

題馬蕉菴元帥蕉雨軒圖

澹護琴書幾几清綠陰如幄早涼生不妨添種梧桐樹一雨聽成兩樣聲

靈芬館詩初集卷一

九

舍瘦客

浮沈天末數行書不是羈遲折簡疏遣信預籌人到日懷歸先約雁飛初貧無菽水誰憐我變盡形容尚識余痛哭路岐今始悔何如長把鶴頭鉏

寄鐵門湘漢用東坡蛟亭韻

惡酒厭茅柴惡客苦米汁如何到君家淋浪衣裏溼我到誠于君來未得得生平樂友朋餘事未足急自小閭里嬉桃弓射紅鴨少長慕輕豪杯炙羅巾幕頻年乞食行對人面先赤欲說強諾唯到口不敢白麻衣渡江來星奔脫冠幘素帳寒蟲號苦雨夜烏泣人生五倫惟一虧萬事關尚念同心人肯顧屢眉客秋風放櫂過慰此百憂集

霜林

天地秋容滿霜林奈爾何亦知顏色好只是夕陽多正值吳楓落兼之短棹過楚魂招不得湛湛大江波

送王延庚北上仍用岐亭韻二首

俗物不作緣汗衣怕翻汁如何苦中傷相逼甚束溼重謗折虛名失輒過所得南箕豈其神簸揚一何急沮洳養大魚泥滓困花鴨知己有王君埋頭坐重幕相見眼獨青不韋足皆赤同病與相憐簾背嚴霜白起作鸛鶴舞慷慨著衣憤狂奴故態耳悲歌本非泣處仲俯仰人區區唾壺缺精麴好枕藉嘲戲任賓客大笑撼樹者一塵豪端集

稽古重選舉濫者飲墨汁所以衡誠縣有若水流溼此道棄如土取士必不得鑿員怒柄方章緩惡茲急文字少定評能言不如鴨圭璋必有藉尊彝必有羅鐵網不見收珊瑚敢云

靈芬館詩初集卷一

十

赤辛苦羅秀才至今未脫白遂令倉黃行忽忽理巾幘男兒雖可憐肯學玉工泣而況離別常月盈則必缺但存廉恥意勿作諾唯客騰上會有時一官成一集

寄江菴

清霜初殺漲痕乾記向徐熙畫裏看落葉空山無路別牽蘿茅屋有人寒照來清鏡容如削別後吳淞水幾竿尺幅溪藤肯惠我相思不用寄琅玕

寒夜書事

老氣塞天地北風怒遙夜勢如萬匹馬蹴蹋陰山下窗鳴裂破紙燭炮餘殘樺甘寢意不憚兀坐猶自咤鄰里夜忽警聲音吁可怕請誥怪鳥鳴啞啞小女蛇一木危柱折三重亂茅瀉羣先登孤登爭上屋山跨若雨眾苞隨若潮萬弩射炙眉

頃別駕燎鬚勞僕射邪許衆夫力號咷旅人詞疎息或伏牀
屏管時闌轉已惛祝融威更仗屏翳借火傘炎官張風輪孟
婆駕漫天赤鳥飛有萬劫虬尅始餒延枯槎中衰拉朽架稍
稍戢鬱攸仲仲自慰藉哀我憂患餘迫此震驚乍其間隔斷
港豈若限清瀾勢或逞燂魚肉不中燔裔我窮神所憐人厄
天則救今春水周堂居民上營榭又值燎原苗敢作順成蜡
水火相壯壯丁壬世婚嫁其理今則信有鬼孰敢罵但愁衣
食空半作逃亡舍僧科從何出敲榜不少假鴻雁未集垣牛
犢或帶膀資渾一山火韓皇兩爭霸苦辭癡險語欲吐不能
罷

寄舍弟

飄泊俱年長難難好愛身養發尚老母爾我是窮人有暇開

靈芬館詩初集卷一

土

書卷無輕惱比隣練精風雪裏遙爲一霜巾

哭朱存原并序

去年春遊慶雲寺作詞題壁存原見而和之謂寺僧出必走
告後面於王山長座中余出銷夏琴趣一編讀之輒嘆息絕
倒曰迦陵昔寓雉皋今泰興得君足驕語員巢民矣余既深
愧其言九月存原沒欲作詩哭之未果也今年冬復過寺中
視壁上詩版墨痕宛然而存原墓草宿矣感慨之餘淒然以
悲用東坡弔李臺卿韻作此詩存原口吃性介而迂俗老於
明經窮且死其爲人有類於東坡所云者以有知己之言爲
識其梗槩如此存原名景淳

野寺見君詩莫逆先一笑如行犖确中片石露奇竅流俗少
知名欲逃矧肯釣誰知賈君房言語天下妙伊余逃空虛索

居若荒徼於此得知己權喜非意料妄談餒蕪天燭短敢分
照徒令蠹齷者末契笑年少平生語無多暑已吐款要坐寺
我復來石火光不耀哀哉素衣人空作青蠅弔苦淚制冬春
狂言任訶謔

晚步

千林生莫靄一徑入迴塘淺水流黃葉寒雅赴夕陽沙分谿
畔路人喚渡頭航回首精廬遠鐘聲隱上方

分湖款乃歌

吳越中分一水流郎船莫是五湖舟夜來笑指湖心月也自
纖纖挂兩頭

茨菇葉爛野草肥蝴蝶灣邊蝴蝶飛正是陌頭挑菜節開箱
先檢熟羅衣

靈芬館詩初集卷一

土

六枳芭籬老圃開山蘊山莊趁時裁近來添種薑小菜不等
麗山擔早來麗山湖人以種菜爲業朝時而市

越紗衫子越羅裳擬泛蜻蛉小小航戲情嬾梳菩薩髻觀音
堂裏夜燒香

魚霞澹澹兔華升銀漢橫斜帶玉繩姊妹拈成新謎子今宵
遮莫放羊鐙俗以中秋前三日放鐙

金鈴小朵試黃華蟹簪初張魚罷叉星斗滿天霜滿地一鐙
漁火響爬沙

拍趙風來四面逢一帆構李一吳淞吳淞曲曲送郎去構李
船來愁殺儂

樵青撒網浪鱗鱗蟹菜江鄉逐日新低挂風帆緩搖櫓隔船
遙喚打魚人

湖邊楊柳綠一灣樓頭新月碧一彎盡道阿儂眉樣好阿儂門外有遙山湖濱明之野道山可數淨如修眉

彩雲已散墨痕芳咏絮門庭午夢堂昨約隣家諸女伴焚香

夜校返生香返生香名髮葉小兒所著午夢堂在池亭

長蘆短艇雨濛濛澄碧中流發水洪數點昏鴉下黃葉分明

生色小屏風

窗戶鳴梭夜靜聽秋河射角轉窗櫺飛花布比松江細莫是

機中娘姓丁

白鳥茫茫水面回烏雲幾幾陣頭來竹槍籬外輕雷過羊眠

豆花朵朵開

高田犂犂蛇骨蛇下田閣閣私蝦蟇東邊日出西邊雨歷歷

儂心似水車

靈芬館詩初集卷一 圭

秋風昨夜長葦絲正好輕波盪漿時郎唱權歌儂意幾何如

荻舫載桃枝楊廉夫嘗寓酒於此桃枝庵夫廬名

彭城旅館對月 丁未

百蟲夜語繩河偏秋心入骨耿不眠不知何者爲明月與我

虛空相燐娟亟呼童子徹猛燭邀入簾櫺開窗聽人間何限

羅綺筵玉簫金管朱絲弦美人發聲清且縣何獨裏裏不忍

去竟來照我冰雪顏舉頭問月爾何意月亦不言所以然得

母故人知我太幽獨呼汝千里至我前我欲與之徑飛去夢

中雲海茫如天不如畱之且深坐庶我與子長周旋須臾清

露漸滴瀝瘦骨夜冷驚胎仙殘月欲去我亦倦雲龍山頂生

曉煙

靈芬館詩初集

今歲中元節如何此地過旅人家祭少曠坐哭聲多山鬼吹

銚火寒風落薜蘿憑將千里夢隱几渡黃河

詩韻 九月八日舟次袁浦寄彭城友人用東坡九日黃樓

曉雅啞啞城頭說今日秋風送人發積陰未破天濛濛重露

初乾泥滑滑此時行客起侵晨下牀動脚脚不韌驢駒在路

僕在門縱有深杯那容呷自嘆年來飽行路如賈負販農荷

鉤夜宿已看皎月落曉行不待曙銚殺意恩又出彭城門回

望雲龍眼中利攜壺挈榼登臨賦筆詩篇共傾軋往來自

許秦吳儔典到直將元白壓酒酣意氣生春風愁思如冰銷

發聲寧知明日又重陽孤宿荒江侶鳬鴨篷窗獨客自吟愁

夜半水流聲響響梅聖俞詩發水消響響

靈芬館詩初集卷一 古

九日仍用前韻

我懷鬱呃何由說九日江邊浩歌發空驚濁浪如雲屯不見

青山似笏滑聊將小飲闢藏鉤那有樂府歌結轍故園花信

想已黃小堪茅柴當可呷軟冠或落插鬢黃細雨時攜種花

鉤蒼鷹奮擊遠天高嚴霜下地百草殺籬東縱復無南山結

伴同登上方利去年况有故人來流水潺湲觸軋軋持螯正

喜蟹胥肥勸酒不用吳姬壓漂零此度江關居硬餅麤糕齒

爲醫安得放掉乘天風便向比隣數鵝鴨酒酣殘夢落清淮

已過吳江下若霄

望金山作

江北江南幾往還眼中浮玉不容攀分明一幅鵝溪絹小李將軍著色山

舟行卽事

船頭見明月去船亦駛下水牽百丈頃刻數十里歸鳥去
翩翻寒煙接瀾瀾月亦不復行船亦不復止照我舟中人湛
然心不起

新葺所居三楹遲鐵門諸君不至示江芥一首 戊申

旅人老行路家居不暇席偶然守窮廬轉若宿荒驛所居屋
三間周方無百尺檐楹巖玲瑯苔蘚蝕青碧破窗脫其樞有
若鳥希革蘭紙雖新糊蝸牛已行跡入室書縱橫無人夜開
闌瓊杳風雨來庭樹助蕭瑟翻令夢魂中依然作行客先人
遺敝廬有此三晦宅脫復任漂搖孤兒有餘責況余慕交游
頗亦集羣展倘不蔽風雨何以數晨夕新正百無事面勢而
規畫差喜屋櫓低俯受窗戶窄中庭悉剷除醬甌及雞欄長

靈芬館詩初集卷一

圭

條古藤紫秋花海棠白惡竹與蔓草乃痛加芟杵稍可羅賓
筵於焉挂簾額呼童縛箕帚飭婢具肴核寧知雞黍約竟愆
期一昔入春十日餘梅藥已半坼美人何遲遲不來良可惜
展書北窗坐夜半一鐙炎疏簾雨海滌紙窗風格格徐熙在
南鄰來不度阡陌或看三徑將醉許一斗亦懷人倘有詩甚
寫新泥壁

寒食夜作

疏檣宛轉護輕紗更著疏簾一桁遮病裏逢春又寒食夜深
無月亦梨花不知芳草啼鴉路何處香塵金轎車且向鄰家
乞新火開爐閒試雨前茶

贈袁篋生 卽次其韻

與君好兄弟少小並衰門平昔向人意難離誰共論訂交先

相士弱植要深根今夕一杯酒居然古道存

寄瘦客

吾家水邨左君客柳溪右十里一分湖二年兩聚首君應困
鄉曲我亦厭奔走今春策大力一權挾兩友快放鴨頭船來
飲鴝兒酒徐熙病初起深格不濡口 江顧瑛始識面對客似
新婦 生兩君急欲歸離坐私語偶君時強要遮閉戶掣其肘
畱行出奇計卯飲竟及酉詩成十手鈔飲過三爵後人生樂
事少此舉足不朽山相滿庭開我歸省老母孱軀嬰微疴一
臥十日久黃梅雨廉纖有足未出牖徐熙聞我來疾走羈爲
垢與言玉山人前日曾握手不知沈東陽近復無恙否寄書
先告之我歸日在某薄雲開新晴小病亦何有終潯水邨水
一問柳溪柳

靈芬館詩初集卷一

夫

繡毬花

梅天香潤試羅衣綠繡毬花開已稀簾裏美人春夢斷不知
蝴蝶作團飛

移竹寄弟

似有夜來雨不知新筍生偶然開戶看戢戢籜龍驚上番移
栽易荒齋取次成相將共歸去聽此對牀聲

雪夜舟中懷舍弟

微雪不滿地明星猶在天荒雞與寒月客裏此殘年水宿能
銷酒霜威欲折絲不知小弱弟今夜可迴船

呈隨園先生袁枚

宿宅神仙晝不如亂山圓合閉門居園疑昔日曾窺處人似
平生未見畫花柳生涯元福命琉璃世界大空虛草堂欲傍

鍾山築時送鵲夸開鑲魚

會陪官閣醉顏酡春水吳江正綠波生尚識公休恨晚天西
此老亦情多江南且作湖山主世上爭傳安樂窩萬里桐花
兩雛鳳未成五色早能歌

元日和江菴韻 己酉

稜稜曉色不知寒已作東風庭院看守歲燈明花景最宜春
帖寫報平安年華未便催雙鬢名字多慚說二難且向高堂
祝如願椒新菜細好登盤

花朝坐蘅夢樓得詩二首

春來一月雨瀟瀟人坐東風碧綺寮寒暖不勻憐病骨陰晴
無定是花朝別離也算尋常事楊柳何須千萬條過盡歡
好時節休文又減幾圓書

靈芬館詩初集卷一

七

記得輕塵短夢樓 湘酒 一時裙展數觥籌阻風中酒年年過
藥裏花枝得得愁好客不隨春信到神仙合向病中修長紅
小白芳菲節細與停格話舊遊

春波橋

西水驛前津鼓收春波橋下水如油七分柳色三分雨二月
行人過秀州

雨中過桐鄉

樹色微茫宿霧輕凝嵐隔處見層城孤篷睡足連江南二月
都無一日晴語燕流鶯如夢裏新蒲細柳可憐生江南春老
方回病腸斷新詩作未成

弄珠樓

春水白蘋洲春江桃葉舟春風似相識吹上弄珠樓越女不

可見吳歌空復愁離腸迴九曲曲曲學湖流

東湖曲

越娘纖手并刀澀一幅輕綃裁不得却來江上翦春雲翠鳳
紅鱗鏡中泣夕陽漫漫湖水流煙波不斷雲山愁秋來自古
不曾夜天中明月湖中樓樓前拾翠誰家女手弄明珠隔煙
語東風兩藥去不歸寒潮九派迷處所寒潮欲落湖天昏鴛
鴦飛去愁殺人

頻夢見

舊時院落舊時門便是重來也斷魂何况依稀未明白有時
顛倒到黃昏獨經芳砌尋行跡細向香羅認淚痕一種閒情
似春草剗除未盡又生根

隨園先生招同姚惜抱夫子小飲花下賦呈

靈芬館詩初集卷一

太

名園雅集敞煙蘿羣屐追陪許數過三月鶯花游子恨六朝
人物寓賢多明鐙綠酒春如海細柳紅闌水似羅最是江南
好風景試划雙槳看如何

古詩三首呈惜抱夫子

龍門有高桐百尺無柯枝其音中琴瑟古帝咸重之卓哉立
宇宙不知今幾時其下有珍木負質何離奇上承甘露潤兼
之春風披託根與之近自顧如有私安知天廟器異日不在
茲但勿求速化千秋以為期

太息思古人浩歌淚盈把不知古人作於我何如也靈簡千
百劫流傳亦已寡而況區區心又或不能寫先生德充符色
若古彝學去古無百年有作亦羣雅相見宜邈然辭色乃肯
假因思古人心未必忘來者

大治金踴躍我必爲干將苟能堅其志豈遂曰不祥人苦不自立逐逐如迷方以身坐庸流臨老翻悲傷嗚呼豈無成初願本未嘗其間稍自好眾中爭低昂不堪棄與飢搖亂其心腸稽首歐冶子成就百鍊剛

芍藥同秦楞香大光作

送春心事太忡忡天遣名花駐小紅骨相似嫌金帶重文章應笑玉堂空秋千院落連宵雨柔曲闌干昨夜風獨對情知太清切前身我亦住仙宮

揚州風物渺愁余聞說行雲夢未虛十里珠簾春去後一年花事我來初東風絲鬢絲相似微雨紅橋畫不如菱尾枯乾殘月上磨餅相對影疎疎

卽事

靈芬館詩初集卷一

七

一番涼雨晚廉纖閒看青蟲拂畫檐却笑飛蛾何太急華燈猶隔一重簾

題陳止君夫人合簪樓詩集應令子胡錫屬

儒者之學首通天其次乃以文章傳文章數傳雜真偽誰復茫昧分星纒紛紛俗學自解說物不兩大才無全造物聞之破常格獨於巾幗鍾靈偏止君夫人古女史著萃百家供摩研垂髻便簪形管筆弱歲暗辨朱絲絃含神霧縹鬼料駁直以一綫從頭穿圖靈一規大如鏡中有日月星辰連披袂雲漢酌北斗女媧縮手慚居先下視詩篇乃餘事尚欲睥睨唐諸賢玉臺新詠太綺麗金荃餘習洗朱鉛鶴鶴一鳴春鳥噪霜雪作花枯枝妍辟如神人下姑射世間粉黛難嫵媚我聞古詩三百首國風乃列雅頌前朝廷鉅公有述作斯事不及

闔房專卽如天道雖荒遠猶或指點窮推遷投衣坐見流火伏抱衾夜識參旗懸自從蘭臺矜祕怪可憐曲學祇雕鐫兩目已昏髮垂白一管之孔天如錢詞章既變爲帖括軫蓋邪復知坤乾而况姪姪小兒女縱欲博綜無由緣簪花釵股總紕繆頌椒詠絮誇芊眠惜哉大家數班氏不聞更續天官篇我來金陵已三月坐穴木榻穿青氈眼中餘子足瑣瑣戶外一客來翩翻手出合箭詩一集外附數學萬言畱題前輩盡傾倒我欲著語難言詮年來多病目力短如視列宿無環璣但覺風雲起光怪疑有珠璧相合聯題詩出戶仰看月河鼓欲墮天蒼然

贈楞香

勸爾一杯酒月華如此明天風又吹我同在秣陵城相見不

靈芬館詩初集卷一

十

盡醉相思空復情明朝楊柳樹葉葉是秋聲

送鮑覺生桂星

卜宅黃山下終年冰雪容幽居自今古詩卷閱春冬忽折白門柳遺子綠玉筇臨分一揮手三十六芙蓉

登金山塔頂同鐵門賦

飛鳥忽在下此身已上方東南浮日月天地俯青蒼夜盜歸龍子風幡定鶴王不知江水外何處更茫茫

爲湘灘題畫五首

了鳥窗深不用遮一重芳樹一重霞溪邊流出胡麻飯莫是

天台二女家

湖光山色澹如無二月江南聽鷓鴣煙雨樓頭十年夢畫人眉黛太模糊

清氣門山盤絕壑松濤六月似涼秋鶴聲一一上天去記宿月明何處樓

竹鷄嘯歇雨連縣十日新晴歛宿煙一路春山泉泱泱江南兒女採茶天

明年定擬放輕橈西磧遙知雪未消輪與畫中人健在寒驢駭過虎山橋

通除歲歲百端茫茫愁憂無方率成四律

愁裏殘年逼貧家百事哀埋文三尺冢逃債九成臺天意猶憐我春風欲放梅西山三百樹相約一齊開

屈指年逾壯傷心事最多窮人真欲笑勞者自成歌一世論知己千金得大阿平生飛動意強半就蹉跎

辛苦千金帶倉黃十上書文章空復爾年費轉愁予預恐風塵老終教屬望虛先人遺篋在此意定何如

靈芬館詩初集卷一

主

牧豕承官幼求師魏照遲古人多自立學者半孤兒吾弟壯非少此身彼一時難離須努力門戶要扶持

呈顧蔚雲先生 故敬二首
竹溪追雅集春夜記開筵壇坫尊前輩波瀾老暮年低心畧形跡便首到詩篇情話深宵永離堂燭影偏

如雪麻衣白恩恩又遠行孤兒慙後死弱弟累先生但得傳經義巖能記姓名先人敝廬在相約可歸咄

誰從廡下訪遺賢屈作長須倍可憐零落泥塗書亥字風流冠劍識丁年一時耆舊無存者兩鬢蕭疎亦惘然寄語兒曹莫相侮婢師雖賤儘堪傳

商山子像 蔣氏老僕能詩

靈芬館詩初集卷一

紅橋曲

吳姬且莫唱越女且莫謳四坐靜勿譁聽我歌揚州揚州城下柳如薺揚州城外春如綺十里珠簾畫閣頭一灣新綠紅橋水珠簾畫閣總生春家住紅橋號玉真瓊樹無雙傾國豔王嬌第一漢官人無雙第一無人識生長深閨嬌小極乍調軟語曉鶯啼新梳薄黛明蟬翼薄黛明蟬新黛蛾可憐薄命更如何謝家豔雪隨風絮掌上珍珠泣露荷露荷風絮同颺颺不怨狂風自惆悵十五芳年豆蔻春重樓十四芙蓉帳十

以湘灘所臨李伯時天閑五駿圖遺龍劍并光斗腰之以詩

世人相士如相馬肥者舉之瘦斯下俗子論畫如論詩面目畧似精神非曹霸已往韓幹死後有龍眠老居士元祐天閑誇五駿四蹄踏鐵雙耳峻牽連尻脰纓革鞵旁有碧眼髯奚官書生骨相牛馬走豈意霜蹄入我手誰與作者神完全心摹手追天骨堅龍眠居士不敢驕神妙直欲爭秋豪今人非今古非古能配作者指可數雲煙過眼本無常得而有之喜欲狂是時風寒天雨雪街頭滑泥沒膝安得致此玉花驄千騎夜獵南山中眼中驚駘出復沒倏然嘆息此奇骨更闔懷慨酒半酣披圖起贈龍劍龍劍論詩如論畫相士亦如相馬者此圖此馬君寶之湘灘之畫類加詩

靈芬館詩初集卷一

主

紅橋曲

四樓連廿四橋素淮佳麗總魂銷渡頭人到迎雙槳鏡裏山青畫六朝六朝山色青如黛簷櫺雙眉宿雙帶舞罷翻令羅綺愁愁多時擊珊瑚碎羅幃綺屋度華年玉樹珊瑚不論錢妝成姊妹爭相妬席上侯王見總憐廣筵置酒爭邀迺自惜

博婦未曾嫁買笑黃金山比高還君明珠樓不下青絲絡馬
 薊門豪不較當年龍伯高工愁洗馬人如璧善賦東方錦作
 袍錦袍玉帶美風姿入洛羊車絕妙時庭趨句曲仙人縣道
 訪青溪小妹祠句曲青谿路迢迢折初三下九佳時節已許微
 詞瘦語通眞看名士傾城悅名士傾城共一心重樓複帳夜
 深深缺缺銀燭羞除却銀燭羞紅粧聞曉簪紅粧脈脈柔魂斷
 銀燭焚焚轉河漢錦瑟橫陳長似人玉鈎隔座明如腕玉鈎
 錦瑟朝還暮小別雙眉鎖長聚病起教郎讀道書愁時呼婢
 尋風絮多病工愁易斷魂含嬌含態淚聲吞一朝相見驚相
 問領上蟾蜍微有痕含情不語何能已玉鈎雙垂訴知已何
 來惡少號專城依倚豪華竟橫行作使平頭喚行酒強呼玉
 貌坐調笙便擬西賓投轄飲豈知慢客閉門羹須臾屬坐雙

靈芬館詩初集卷一

圭

牌裂紅衷無言淚咽風花若使任東西蘭玉何如便摧折
 聞言悲思從中起零落嬌娥竟如此失路吾儕事亦然誰能
 憐取可憐子此時客住吳江隈一舸遠逐鷗夸來黃金百萬
 何足道移家徑上姑蘇臺蘇臺最好中秋令羅幃初寒曉妝
 竟比眉疑是月中人畫眉亦有天邊鏡萬事從來無不有五
 角六張常十九但作黃衫客自佳誰言紅豆卿無偶俠客黃
 衫太慨慷關心紅豆費迴腸已聞畫舫迎桃葉又見長堤送
 宵窺長堤畫舫維揚去紅豆關心淚雙注淨洗紅妝一對君
 不辭翠裏從行路歸來從此謝鉛華盡日重簾下裏花寶鏡
 暗塵空顧鵲雲鬟如霧亂堆鴉雲鬟不整時停繡寶鏡塵昏
 黛眉皺夜淚紅如蠟燭多仙人骨比香桃瘦瘦骨稜稜病有
 根強扶殘夢到吳門吳門春色柳依依公子雷賓泊畫堤蘭

舟豈意逢青翰小婢還能識桂枝小婢傳言雜悲喜焚焚淚
 毗伴伴啓宛轉輕軀乍入懷可憐頓絕君懷裏懷裏輕輕喚
 小名燕盡心香始返生漸覺迴眸微有淚似傳小語不聞聲
 迴眸坐起署支弱小語低徊徵鏡約親將杵白搗元霜不向
 姮娥乞靈藥沈絲一病起遲遲對鏡無端損故姿不信名花
 能夜合劇憐小草號將離將離又是揚州道夜合花開只愁
 曉自恨不如泉下人玉鈎斜上紅心草玉鈎斜外路迢迢深
 鎖愁入碧綺寮永夜玉容銷碧月鏡前珠淚聚紅綃碧月紅
 綃空復爾典盡羅衣脫簪珥當時酒坐散千金此際朝淪謀
 十指無華轉眼同朝夕獨抱區區竟何益碧玉情人怨與恩
 紅牋恨字今猶昔紅牋一幅傳來又離別經年病如舊當時
 嘔血滿羅襟猶認石華雷廣裏此時東郭正多愁此際逢君

靈芬館詩初集卷一

圭

語舊遊僕本恨人驚不已君言恨事淚先流男兒意氣空孤
 憤一事無成到紅粉若教相望等牽牛何不漂零類朝槿牽
 牛朝槿總無情終古垂楊有曉鶯莫向紅橋歌此曲落花飛
 徧廣陵城

醉司命後一日過集竹溪堂四首

雨雪連江盡蒼茫孤檣來殘年餘幾日一見且銜格入座皆
 同調新詩讀百回翻憐渡江札相對復重開
 遊子嗟垂垂棄歸來意惘然才非當世重貧到受人憐鴻爪東
 西路萍根去住緣遙知倚閭夢夜夜望迴船
 細拆黃泥酒深藏碧綺寮數過非一飯嘉飲陋三蕉不爲刀
 雖逐眞成貪賤驕誰能當此夕清話坐終宵
 小謝天才逸新詩出性眞箇生因君思舍弟早歲失先人薄